



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Breviario Concionatorio, Strenæ, Fidelis Prophetissa Concionibus de B. M. Virgine serviens, Conciones Occurrentes & Funebres

Tylkowski, Wojciech

Oliva, 1686

In Assumptione B. M. V.

[urn:nbn:de:hbz:466:1-51821](https://nbn-resolving.org/urn:nbn:de:hbz:466:1-51821)

Innocentio Papa cum diceret in Concione admiranda, quaerit unde ea haberet? respondit, ex libello charitatis. Ad illius Religionem B. Virgo misit Reginaldum de statu vitæ deliberantem, & ipsa illi dedit vestes religiosas. Alex Papa IV. *Hi sunt viri probati in lege Domini, Fratres Ordinis Divi Dominici, efficares quidem in opere, atque potentes in sermone, quia ubique ipsorum ora intonant per totum mundum velut tubæ, & in omnem terram exiit sonus prædicationis eorum, & usque in fines orbis terræ saluifera verba sonant.* Cùm S. Dominicus ascenderet in coelum, Christus & B. Virgo tenebant scalas, quod vidit Gualla Episc. Brixien. Abbas Joachim in templo S. Marci longè antea curavit depingi S. Dominicum. Constantinopoli in S. Sophiæ templo penes S. Paulum; multò etiam antè depictus in habitu hujus Ordinis vir cum inscriptione Græca, *vocor Dominicus.* Hæc ex Bareleta Ord. Prædic.

In Assumptione B. M. Virg.

Abscondebat totâ vitâ suâ B. Virgo dona DEI in se colata, & suas virtutes. Prima votum fecit Virginitatis. Aug. lib. de S. Virginit. c. 4. *Annuntianti Angelo Maria respondit, quomodo fiet istud quoniam virum non cognosco? quod profectò non diceret, nisi se prius virginem DEO novisset.* Abdias in vita S. Bartholomæi. *Hæc Virgo cùm execraretur omnem virum, servanda virginitatis votum cùm à nullo homine nec verbo didicisset, neque exemplo ad imitationem fuisset invitata, prima DEO obtulit, nulla enim hoc votum DEO obtulerat. Sed clariùs Beda hom. de Annunt. Virgini Divino munere collatum est, ut prima inter fæminas DEO virginitatis munus offerret.* Parentes habuit divites ut S. German. in encom. S. Virginis, qui, ut Hieron. de ortu Virginis, in tres partes sua bona diviserunt, templo, pauperibus, sibi ipsis

ipsis, hæc omnia B. Virgo distribuit. Apud S. Birgit. Revel. lib. 1. cap. 10. dicit ipsa. *Omnia quæ habere potui indigentibus distribui, & à principio vovi in corde meo, nihil unquam possidere in mundo.* Et lib. 7. cap. 52. *De divitiis ego & Joseph nihil reservavimus nobis, nisi necessaria vitæ ad honorem DEI, reliqua dimisimus ad honorem DEI.* Magi obrulerant pretiosa munera, quid de illis fecit S. Virgo? Bonav. de vita Christi cap. 9. *Zelans virgo pro paupertate, & intelligens Filii voluntatem, tam intus docentis quam foris ostendentis, totum intra paucos dies pauperibus erogavit.* Habuit tamen omnia quæ ad viam honestam necessariâ. In purificatione stetit inter conjugatas, & inde existimabatur non esse Virgo, obrulit par turturum tanquam egentissima. Rupert. in Cant. 2. *Cuncta virtutes, omnes gratiæ, cuncta dona, quæ Virginem Mariam exornabant, humilitati ejus tributum pendebant.* Hoc ipsum fecit in Assumptione, cum est mortua, unde aliqui eam argumentantur in peccato conceptam, quia ex peccato originali mors profluxit, sed neque Christus originale habuit, tamen mortuus est. Duplex est causa mortis nostræ. 1. Natura nostra, quia constamus contrariis, calore & frigore, humiditate & siccitate, hæc continuò in se agunt, & tandem aliqua prævalent, & turbatur hominis temperamentum, & sic anima abit, contra hoc malum, ante originale peccatum, ut docet S. Th. 1. p. q. 97. a. 1. & 3. *Inerat animæ vis quadam supernaturaliter Divinitus data, per quam corpus ab omni qualitate poterat præservare, quamdiu ipsa DEO subiecta mansisset.* Altera causa mortis, peccatum, Mors per peccatum intravit. Peccante Adamo, & arbor vitæ ablata quæ valebat ad instauranda corpora, & vis illa animæ. B. Virgo hanc vim debuisset habere, sed noluit sicut & ejus Filius, cæteris tamen effectibus peccati originalis caruit, quales sunt, corpus reverti in terram, dolores in partu sentire, morbos pati, &c. Aug. serm. 4. de Assumpt. *Putredo & vermis*

humanae opprobrium est conditionis, à quo opprobrio cum JESUS sit alienus, natura Maria excipitur, quam JESUS de illa sumpsisse probatur, caro enim JESU caro est Matris. Petr. Blesen. serm. 2. de Assumpt. Maria à communi viri & mulieris maledictione facta est immunis, quâ dicitur, in cinerem ibis. Idem docet S. Cypr. serm. de Nativ. Christi. Non sustinebat justitia ut illud vas electionis communibus laesaretur injuriis, quod plurimum à ceteris non naturâ differens communicabat, sed culpâ. Sed & mors ipsa in B. Virgine multum differebat à nostra. Damasc. de dormit. B. V. c. 22. Postquam dolorem sensisset, peperit, absque dolore fuit ejus quoque ex hac vita excessus. Apud nos dolor est causa mortis apud illam amor Alb. in Mariali. B. Virgo sine dolore præ amore mortua est. Idem adstruit de laud. Virg. Dionys. Carhus. à. 3. idem S. Birgitta 6. Revel. 62. Vide plura in mea Prophetissa. Et quod mortua est factum est quasi per miraculum unde Richard. Victorin. lib. 2. de Emmanuele cap. 28. Quæ causa est quæve justitia, ut remaneret in Maria pœna, ubi nulla est culpa? Nam ut Damasc. l. c. orat. 2. Ex qua omnibus vera vita manavit, quomodo illa mortem gustaret? & rursus. Hanc, quæ sine dolore aliquo peperit, ac DEO se totum consecravit, quonam modo mors devoraret? His consideratis Salazar infert, mortem B. Virgini ad meritum datam, ut moriendo mereretur. Nam ut Aug. ex illo. Spectaculum facti sumus DEO & Angelis, deducit. Angeli invidens quòd pro Christo mori non possint uti Martyres. Mors enim est meritum ferax si illâ uti noverimus & dicere velimus. Accepto mortem, quia DEUS mori jubet, & est summæ obedientiæ actus ad imitationem Christi, Factus obediens usque ad mortem. Accepto mortem in pœnam peccatorum meorum, ut Reus, & est actus justitiæ. Accepto mortem ne peccem amplius, & est actus Contritionis. Accepto ut DEO meo fruam, & est actus Amoris. Accepto ut testis hunc articulum fidei esse verum, hanc virtutem DEO gratam, &

& est Martyrium, Hinc sancti appetebant mortem, Paulus, *Cupio dissolvi*. S. Soter quæ semper vultum habuit velatum, cum esset palinis cædenda, illum detexit, de quo S. Ambr. exhortat. ad Virgines. *Vultum aperuit soli invelata martyrio, & volens injurie occurrere, vultum offerens, ut ibi fuerat sacrificium martyris ubi esset testamentum pudoris*. Chrysof. hom. 67. ad pop. *Si Religionis tuba vocet, statim progredere, & animam parvipende, &c.* Tantâ ergo promptitudine proprium effundamus cruorem quantâ quis aquam effunderet, nam & aqua sanguis est corpus irrigans, & eandem facilitate carnem exuamus quantâ vestimentum. Cùm denuntiaretur mors Cardin. Bellarmino ter in hæc verba prorupit. *O lætum nuntium!* Cùm Joanni Fischero Episc. Rosen. qui jussu Henrici Regis Angliæ securi erat pro fide decollandus, solennes accepit vestes & dixit. *Nonne hæc est dies nuptiarum mearum, ut eam honorem majori cultu opus est?* Si tanti est mors quàm alias debet homo subire quanti B. Virginis quam subire non debuit? & quia plus meretur qui in Majore DEI est gratia, B. Virgo cùm fuerit in majore quàm ullus post Christum, quantum per illum meruit? Quid non DEUS Abrahamo dedit, quia suum obtulit Isaacum, quid non Virgini quia suam vitam?

NB. De Eadem assumptione reperitur, ubi erratum est, in Ascensione Domini. fol. 48.

In Festo S. Hyacinthi.

Quod S. Bern. serm. 1. dixit in die S. Andreæ optimè convenit S. Hyacintho. *Fluvius est Prædicatorum ordo, non in eodem permanens loco, sed extendens se & currens, ut diversas irriget terras.* In hoc brevi elogio comprehensa sunt omnia Sancti.

L 3

Fluvius